

# TE HENEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 10.

Atopa, 1920

Mat. 14.

*"Ia atea ê atu oe i te aro o te taata maamau ra, aita ra te vaha ite i te iteraa ia oe ra."* Maseli 14:7.

*"E ao to te taata e faaoromai i te ati, ua tia-ana'e-hia mai hoi oia ra, e roaa ia ia'na te k'orona ora, i ta te Fatu i parau mai e no te feia i hinaaro ia'na ra."* Iakobo 1:12.

*"Ia farii maira te taata parau ino i te mau parau ino atoa na'na ra, e ua haapao i ta'u ra mau haapaoraa, e ua rave i te parau au e te mea tia, e ora ia oia, e ore ia e pohe."* Ezekielia 18:21.

*"E teie nei, te parau nei au ia ora na outou atoa. E hae-re vave au e faaea i roto i te paradaiso o te Atua, e tae roa'tu ua amui-faahou-hia tau varua e tau tino hoi, e ua afaihia a'e-ra vau ma te umere na roto i te reva nei, ia farerei a'e ia outou i te haavaraa a IEHOVA teitei, o te Haava Mure Ore no tei ora e tei pohe ra, Amene."* Moroni 10:3,4.

## Te Mahana o te Fatu. (tuatihia.)

1.- O Iesu, tei nia ia i te mau mea o te Ekalesia e e tia ia'na ia faatia i te mau mea'toa e haapao. Eph. 1: 22.

2.- O Iesu te Fatu no te mahana Sabati. Mareko 2: 27,28.

3.- Aore roa Iesu i haapao i te Sabati no te Ati Iuda ra. Ioa. 5: 18.

4.- E haamonohia te mau ture tahito no te mahana Sabati. Hosea 2: 11.

5.- Ia haaponohia'tu te Evanelia i te mau Etene e te mau nunaa'toa. Hosea 2: 23.

6.- Ua haapaohia te mahana matamua o te hepetoma ei mahana haamoriraa e ua haaponohia'tu hoi te Evanelia i te mau nunaa'toa e te Faaora. Mataio 28: 17-20.

7.- Ua vaiihohia te ture a Mose na roto i te taeraa mai o te Mesia. Gal. 3: 24,25.

8.- Mai te Atua Metua te huru ua faatia'toa Iesu i te hoê mahana faaearaa. Heb. 4: 9-11.

9.- Ua faaore oia i tei mutaa ihora ia faatia mai i te piti. Heb. 10: 9.

10.- O te peu ia o te Feia Mo'a ia haaputuputu mai i te mahana matamua o te hepetoma. Ohipa 20:7.

11.- I nia i te mahana matamua o te hepetoma. 1 Kor. 16: 1-2.

12.-Tei roto o loane i te varua i te mahana o te Fatu. Apok. 1:10.

13.- Eiaha e faatia i te hoê noa iho taata ia faahapa noa'tu ia outou i te mahana Sabati etc. Kolosa 2:16.

14.- Mai te mea e, e tia teie nei ture no te Sabati Ati Iuda ua tia'toa hoi ia te mau hepetoma Sabati e te mau matahiti Sabati, e ia haapaohia e tia'i. Lev. 25:1-12.

15.- E mai te mea ia haapaohia te ture e tia'i, ia haapao-atoa-hia te utua e tia'i. Exodo. 35:2.

16.-Ua haamana-faahou-hia na ture hoê ahuru o Iseraela, maori râ te ture no te mahana Sabati. Mataio 5:34; 19:17-19.

17.- Ia haamo'a i te mahana o te Fatu e tia'i. B. F. S. 59: 7-17; 68:29.

Papaihia e  
Taranata Ree Benetona.

Te Taata Ruau e ta'na Asini.

Te vai ra te hoê taata ruau o te haere raua ta'na ra tamaiti i te maketi. Te aratai ra raua i te hoê asini ia hoohia i taua maketi ra.

Ia maoro rii a'era to raua tereraa, farerei ihora raua i te hoê mau vahine. Ua na ô maira ratou e, "Aue te maamaa i tera na taata, te haere na raro noa nei raua, eaha raua i ore i paiuma ai i nia i taua asini ra?"

Ua faaroo taua taata ruau i te parau a taua mau vahine ra, e faauê ihora oia i ta'na tamaiti ia pauma i nia i te asini, e haere atura raua i to raua tereraa i te maketi.

Aita i maoro i muri ihora, farerei ihora raua i te hoê mau taata ruau. Ua na ô maira taua mau taata ruau e, "A hio atu na i tera tamaiti haapao-ore e te faatau, tei nia oia i te asini a haere na raro noa'i to'na ra metua. A pou mai na i raro, e tera ra tamaiti faatau e, e faatia i to metua ruau ia pauma i nia i te asini."

E ia faaroo te taata ruau i taua parau ra, ua tauturu i hora oia i ta'na tamaiti i te pouraa i raro, e paiuma ihora oia i nia iho i te asini. Haere atura raua i to raua tereraa.

Farerei a'era raua i te hoê mau vahine e to ratou ra mau tamarii. Pii hua maira ratou e, "Ia haama! e tera ra taata ruau e, nafea tena, e na nia anei oe i te haere, e na raro taua tamaiti nainai?"

Peapea roa ihora te ruau, afai a'era oia i ta'na tamaiti i nia, haaparahi ihora ia'na i nia i te asini i pihaiho ia'na.

Haere atura raua i to raua tereraa. Farerei a'era raua i te hoê taata tei pii mai ia raua, "Ahe! Na orua tena asini?"

Pahono atura te ruau ia'na, na ô atura, "E, oia mau."

Na ô faahou maira taua taata ra e, "Aita anei orua i haama ia faateiaha i te hopoia o tena asini? A hio na i to'na rohirohi! E mea ohie a'é ia orua ia afai ia'na."

Pahono faahou atura te ruau i taua taata ra, na ô atura, "Na reira, e farii au i to oe mana'o." Pou mai ihora te ruau raua te tamaiti, taamu a'era raua i na avae no te asini i te hoê taura, tuu ihora raua i te hoê raau na raro a'e i te vahi i taamuhia, afai atura raua i te asini i nia, e hopoi atura i te oire ra.

Ia fatata a'era raua i te hoê e'a turu, farerei ihora raua

i te hoê tiaa taata. Pii hua maira ratou e, "Ahe! Teie mai nei na taata maamaa." Faaroo ihora te asini i taua maniania rahi ra, ri'ari'a roa a'era, e hauti puai ihora, e topa a'era oia i roto i te anavai, paremo atura.

Ia ite te ruau e te tamaiti e, ua pohe ta raua asini, fariu atura raua e ho'i atura i to raua fare.

I tamata na raua i te haamauruuru e te faatia i te hinaaro e te mana'o o te mau taata atoa é to raua faufaa e to raua hinaaro ua ma'ua ia.

Haapiiraa:-

Eiaha tatou e farii noa i te mana'o o te mau taata atoa, e haopao râ i te mea tia. Mai te mea ra e, e tamata tatou i te haamauruuru i te mau taata atoa, mai te farii noa i to ratou titauraa, ei te anavai (pohe) atoa tatou e to tatou atoa ra faufaa ananahi.

Faaauhia ei reo Tahiti e  
Aneterea Sedamana.

Te Hoê Mau Parau Tumu a te Ekalesia a Iesu Mesia  
i te Feia Mo'a i te Mau Mahana Hopea Nei.

"E mata na râ outou i te imi i te basileia o te Atua, e te parau-tia na'na ra, e amui-atoa-hia mai taua mau mea ra ia outou." Mataio 6:33.

"Aore hoi au i haama i te evanelia o te Mesia ra, no te mea o te mana'ia o te Atua, ia ora te feia atoa i faaroo ra, te Ati Iuda na e te Heleni atoa hoi." Roma 1: 16.

"Aore hoi au i haama i te evanelia o te Mesia." Te na reira maira Paulo i roto i te hoê episetole ta'na i papai atu i to Roma; mai te faaite atoa'tu oia ia ratou ra e, o tei haapao maitai i te mau ture a taua evanelia ra, e noa ia ia ratou te ora mure ore i roto i te Basileia hanahana o te Atua ra. E aore mau hoi Paulo i haama i te haapiiraa'tu i te evanelia i

to t  
ora  
"E  
mai  
a'er  
ulo,  
E te  
oe i

haer  
taata  
hia h  
Eten  
Haer  
ihora  
ra to  
Anar  
mau  
ua ite  
o te h  
maori  
papu  
faaro

E  
Iesu  
atoa.  
po'a  
hiopo  
maite.  
5:21-2

T  
teie ia  
parau  
Eita r  
ra e ia  
reira.

to te ao paatoa ra; no te mea ra e, ua ite papu roa oia e, te ora ra Iesu o tei farerei ia'na i ta'na haereraa i Damaseko, "E ua ati ihora oia i reira ra i te maramarama no te ra'i mai i te anaanaraa mai. Mairi ihora oia i raro i te repo, e faaroo a'era oia i te hoê reo i te parauraa mai ia'na, E Saulo, e Saulo, eaha oe i hamani ino mai ai ia'u? Ua parau atura oia, E te Fatu, o vai oe? Ua na ô maira te Fatu, o vau o Iesu ta oe i hamani-ino mai nei." Ohipa 9:1-20.

Ua faaite atoa atura te Fatu ia Anania, "A tia i nia, a haere i te aroâ i parauhia ra, o Titiaifaro, e ui atu ai i te hoê taata ra, O Saulo, te pure ra oia". E haere oe, e farii maitihia hoi oia na'u, ei hopoi i to'u i'oa i mua i te aro o te mau Etene ra, e te hui arii ra, e i te tamarai hoi a Iseraela ra". Haere atura Anania, e toma atura i roto i te fare, e ua tuu ihora oia i to'na ra na rima i nia iho ia Saulo, e ua ora mai-ra to'na mata e i ihora oia i te Varua Maitai, e ua na ô maira Anania ia'na; "A tia ia baptizohia oe, e horoi ê atu i ta oe mau hara". Ei reira ra, ua riro Paulo ei pipi mau na Iesu e ua itoitoe roa'tu oia i te hopoiraa i te i'oa o Iesu i mua i te aro o te Etene, e te hui arii, e tae noa'tu i to'na ra poheraa. Aita maori i tia ia'na ia haama i te Evanelia, no te mea e, ua ite papu oia e, o te mana mau ia o te Atua e ora'i te feia atoa e faaroo ra.

E no reira eiaha tatou e haama i te raveraa i te i'oa o Iesu Mesia, no te mea e, na roto i to'na ra i'oa e ora'i tatou atoa. A iriti hoi i te ata pōiri mai mua mai i to aro na, e hio-po'a rii à i te tahi mau parau a te Evanelia a Iesu Mesia. "E hio-po'a maite i te mau mea atoa ra; e tei maitai ra e tapea maite. E haapae atu i te mau mea huru ino ra". 1 Tesalonia 5:21-22.

Te hoê uiraa to roto i te aau o te taata e hope roa'e, o teie ia, maori râ, Eaha te ravea e ora'i au? Tei roto i taua parau ra te hoê haapiiraa rahi e te faufaa na te taata paatoa. Eita roa'tu te taata aau tae e taupupu i te imiraa i taua ravea ra e ia taeahia noa'tu à oia e te maramarama e te ite no te reira.

Te haapii papu mai ra te parau i papaihia i taua ravea ora ra. Tera mai te parau matamua maori ra, te faaroo i te Atua e i ta'na Tamaiti e i te Varua Maitai, e te piti ra, o te tatarahaparaa ia e te haapaeraa'tu i te mau hara; te toru te bapetizoraa ia, ia matara te hara e te maha, o te tuuraa ia o te taata haamanahia i to'na ra na rima ia horoa'tu i te Varua Maitai.

E haapii noa'tu â te hoê mau taata e, ua faaorehia taua mau ravea ora ra, e ore roa te taata aaui tae e vare ia ratou, e farii râ oia i te parau mo'a a te Atua mai tei heheuhia mai i te mau peropheta.

I te aha e ora'i te taata? I te faaroo ana'e anei? Te Evangelia ra, o te mana ia o te Atua ia ore te feia atoa e faaroo ra; "Aore e faaroo ra e ore roa oia e maururu. O te haamori i te Atua ra, e faaroo oia e, e Atua, e tia'i, e o oia te faautua i te feia i imi papu ia'na ra".

Eaha te faaroo i paraubhia nei? E mana'o ana'e anei? E parau ana'e anei? E mea tia anei ia rave atoa tatou i te ohipa?

Te na ô maira Ioane pîpî here e, "Teie hoi te ora mure ore, ia ite ratou ia oe i te Atua mau ra, e ia Iesu i te Mesia ta oe i tono mai". Teie hoi te hoê a parau ia ferurhia e tatou oia hoi, "Teie te mea e ite ai tatou e, ua ite tatou ia'na, ia haapao tatou i ta'na parau. O tei parau e, ua ite au ia'na, e aore oia i haapao i ta'na parau, e haavare oia, aore te parau mau i roto ia'na". Ua faaroo te mau demoni e ua rurutaina. A hio i te Iakobo 2:19.

Te na ô maira Iesu i ta'na mau pîpî e; "E teie nei, e haere outou e faariro i to te mau fenua atoa ei pîpî, a bapetizo atu ai ia ratou i te i'oa o te Metua, e no te Tamaiti, e no te Varua Maitai; mai te haapii atu ia ratou i te haapao i te mau mea atoa ta'u i parau atu ia outou na". Ua tono Iesu i te mau aposetolo ia haapii i to te mau nunaa, i te mau mea atoa ta'na i tuu mai ia ratou ei faaueraa. Aita e tia ia vaiihohia te hoê noa'tu faaueraa.

“E teie nei, o te feia faaroo ra, e tamarī ia na Aberahama, ia ite mai outou.” Galatia 3:7. “Area rā ahiri outou e tamarī na Aberahama ra, e haapao ia outou i ta Aberahama ra parau.” Ioane 8:39. “No te mea, ua faaroo mai Aberahama i to’u reo, e ua haapao i ta’u poroi, e tau parau, e tei faatupuhia e au, e ta’u ture.” Genete 26:5. “E feia rave hoi outou i te parau nei, eiaha ei feia faaroo noa, te haavare noa-raa ia outou iho.” Iakobo 1:22.

Eaha te faufaa, e au mau taeae, ia parau mai te hoê e, e faaroo to’na, e aore a’na e ohipa, e ora anei oia i te faaroo? Ia pohe hoi te hoê taeae e te hoê tuahine i te veve, e aore e maa i te mau mahana atoa ra, ia parau atu rā te hoê o outou ia raua ra, ia ora na orua i te haerea, ia mahanahana hoi orua, e ia paia hoi, aita rā i horoa’tu i te mea e maitai ai te tino ra; eaha to reira faufaa? Oia atoa te faaroo, aore e ohipa ra, e mea pohe ia, i te mea te vai hoê noa ra, E tia noa hoi te hoê taata ia parau mai ia’na e, E faaroo to oe, e ohipa hoi ta’u; a faaite mai na oe i to oe faaroo, aore e ohipa ra, a faaite atu ai au ia oe i to’u faaroo i ta’u nei ohipa. Ua faaroo oe i te parau e, hoê roa Atua: ua tia te reira. Ua faaroo atoa hoi te mau demoni i te reira, e ua rurutaina. Ia ite mai rā oe e tera ra taata mana’o ore e, o te faaroo aore e ohipa ra, e faaroo pohe ia. Aore anei to tatou metua ra o Aberahama i tiahia mai i te ohipa, a hopoi ai oia i ta’na tamaiti ra ia Isaka i nia i te fata ra? Te ite ra hoi oe, e na te faaroo i faatupu i ta’na ohipa e no te ohipa i tia roa’i te faaroo”. Iakobo 2:14-22.

“Eaha outou i parau mai ia’u nei, E te Fatu, E te Fatu, e aore outou i haapao i tau parau?” Luka 6:46. “Ua parau mai rā oia, o tei faaroo ā e ua haapao i te parau a te Atua, o ratou tei maitai.” Luka 11:28. “Ua hinaaro outou ia’u ra, e haapao i ta’u parau. Tei ia’na ta’u ia parau e ua haapao oia i taua parau ra, oia tei hinaaro mai ia’u; e tei hinaaro mai ia’u ra, e herehia mai oia e ta’u Metua ra; e e here hoi

au ia'na, e e faaite atu hoi au ia'na ia'u iho." Ioane 14:15-21. "E ao to te feia e haapao i ta'na ra parau, ua au ia ratou ia amu i to nia i te raau ora ra, e ia na te mau uputa ratou i te tomo i roto i te oire ra". Apok. 22:14. E noaa ana'e ia tatou te ora na roto i te raveraa i te ohina a ora'i tatou i te ao nei.

A tatarahapa oi pohe tatou. Ua peehia te faaroo mau e te tatarahaparaa. "E te Atua, e aroha mai oe ia'u i te taata hara nei." Tera te pahonaraa a te Atua i ta'na mau tamarii o te oto i ta ratou ra mau hara, oia hoi, "E tatarahapa, e fariu mai i ta outou atoa ra mau hara; e eiaha outou ia hi'a i ta outou mau parau ino ra." "Ia ore râ outou ia tatarahapa mai te reira atoa ia to outou pohe." Luka 13:5. Teie hoi te tatarahaparaa mau, maori ra, te haapae-roa-ra ia te taata i te mau mea ino atoa ra, e ia opua papu e, eiaha vau ia hara faahou, ia rave ana'e râ i te mea maitatai. E na te reira e e haapii mai i te eiâ, eiaha e eiâ faahou; to te inu i te ava, e taero atura, eiaha e inu faahou i te ava; e to te tuhi e faahiti faufaa-ore noa i te i'oa o te Atua, eiaha e na reira faahou, a rave râ i te mau ohipa faufaa e te maitai. E tia hoi te tatarahaparaa ia tatou paatoa. No reira, te tatarahaparaa, o te hoê ia o te mau tufaa i roto i taua ravea ora ra. Na mua te reira, e na muri te faaoreraahia te hara. E tei ore e tatarahapa e ore atoa ia ratou e au ia baptitohia. A hio i te Mataio 3:7-8.

E mea tia anei te baptizoraa ia ora te taata? Te haapii mai nei te hoê mau taata i te tau hopea nei e, e ora noa te taata haapao-ore noa'tu â oia i te mau ture e te mau faaue-raa ta Iesu i faatia no te oraraa a te taata nei. E mea maere roa i te taata faaroo taua huru haapiiraa ra. Ua haapii mai te hoê tavini a te Atua Teitei, oia hoi, Ioane baptizo, i te parau no te baptizoraa e ua baptizo ihora oia i te mau taata e rave rahi. Te na ô maira te Fatu, to te farii teie baptizoraa, ua faatia ia ratou i ta te Atua, area râ te tahi pae taata, "Ua patoi ia ratou i te a'o a te Atua ia ratou iho, o

rato  
ora  
tena

ia'na  
ia K  
E ua  
"Ua  
Fatu  
bape  
mea  
faaito  
renel  
tia K

hoi o  
atoa  
Mesia  
ahu i  
e, o te  
T  
piti A  
e faai  
bapeti  
tou i k  
papu  
ana'e

U  
Iuda,  
ore te  
pape),  
mai te  
fanau

ratou aore i baptizohia e ana." E i teie nei, e ore roa'tu te ora e noaa i te taata ia ore oia ia farii i te a'o ate Atua ra. E tena na, o te a'oraa ia te reira ia baptizohia te taata.

Ua tonono te Atua i ta'na melahi ia Korenelio ia faaite atu ia'na ia tonono i te hoê vea e tii ia Petero, e na'na e faaite atu ia Korenelio i te ravea e ora'i oia e to'na ra utuafare atoa. E ua na reira Korenelio, e ia tae maira taua aposetolo ra, "Ua parau atura Petero ia ratou e baptizo ma te i'oa o te Fatu ra." Ohipa 10:48. Ahiri aita Korenelio i farii i taua baptizoraa ra, e ora anei tei noaa ia'na? Aore roa'tu, no te mea e, ua faaite mai te melahi ia Korenelio e, na Petero e faaite atu ia'na i te ravea ora ra, e ua faaue o Petero ia Korenelio, "E baptizo ma te i'oa o te Fatu ra." E taata parau tia Korenelio, e no reira ua au ia baptizohia.

Te na ô maira te aposetolo Paulo e, "E tamarii ana'e hoi outou na te Atua i te faaroo ia Iesu Mesia ra. O to outou atoa hoi i baptizohia i roto i te Mesia ra, ua ahu ia i ta te Mesia ra." Galatia 3:26-27. Mai te mea ra e, e mea tia "ia ahu i ta te Mesia ra," ia baptizohia tatou e tia'i, no te mea e, o te ravea ia e ahu ai tatou i ta te Mesia ra.

Te na ô maira te Fatu, o Iesu Mesia i te tino ahuru ma piti Aposetolo. "E haere outou e ati noa'e te mau fenua atoa, e faaite haere i te evanelia i te taata atoa, o te faaroo e ua baptizohia, e ora ia; area o te ore e faaroo ra, (aore hoi ratou i baptizohia) e faahapahia ia." Mareko 16:15. Te faaite papu mai ra te Fatu e, O tei faaroo e tei baptizohia, oratou ana'e ia te faaorahia.

Ua parau atura Iesu ia Nikodemo, te hoê tavana Ati Iuda, na ô atura, "Amene, Amene e parau atu vau ia oe, ia ore te taata ia fanau i te pape, (oia hoi ia baptizohia i te pape), e te varua, e ore oia e ô i te Basileia o te Atua ra." E mai te mea e mea tia te ôraa i te Basileia ia ora te taata, ia fanau atoa hoi te taata i te pape e te varua e tia'i.

Te mana'o nei te hoê mau taata e, ua tae mau atura te taata eiâ tei faatataurohia, i te ao ra, e te faaroo atoa nei ratou e, aita taua taata ra i baptizohia, a faaorahia'i oia e Iesu, e a faaohia'i hoi i te basileia a te Atua ra. E no reira te na ô maira taua mau taata e, mai te peu e, ua tae taua taata eiâ baptizo-ore-hia i te ao ra, e ô atoa te mau taata atoa i reira baptizo-ore-hia noa'tu. O te hoê ia haapiiraa hapa roa. Ua parau atura Iesu i taua taata eiâ ra, na ô atura, "Ei paradaiso ia oe e o vau atoa i teie nei mahana," Luka 23:43. E e toru mahana i muri ihora te na ô maira Iesu ia Maria, "Eiaha e tapea mai ia'u; aore â vau i tae i hia i tau Metua ra." Ioane 20: 17. E no reira, e homa e, ua papu moti ia tatou e, e vahi taa-ê roa i te ao ra, teie vahi i parauhia paradaiso tei haerehia e Iesu a vai ai to'na ra tino i roto i te menema. Aita roa'tu Iesu raua taua taata eiâ ra i tae i nia i to'na ra Metua i te ao ra i te mahana mau i faasataurohia'i oia. Ua tae atura râ raua i te hoê vahi taa-ê tei parauhia e Iesu o paradaiso.

E riro paha te vetahi mau taata i te ui e, mai te mea ra e eita te taata baptizo-ore-hia e faaorahia ra, nafea atura te mau taata maitatai e rave rahi tei pohe ê na mai te baptizo-ore-raa-hia? Te pahono mai nei te parau i papaihia ra e, e faaroo taua mau taata i te evanelia, e e ora to te haapao i te reira, e e faahapahia râ ratou o tei ore e farii i te reira. "Ia parau-atoa-hia'tu ai hoi te evanelia i te feia i pohe ra, i faahapahia atu ai ratou e te taata i te tino ra, te ora ra râ ratou i te Atua i te varua ra." Petero 4:6.

Te na ô maira râ outou, "Aita i nehenehe ia baptizohia te taata pohe. E parau mau te reira. E Atua parau-tia râ to tatou, e ua faatia oia i te hoê ravea e oti noa ai taua ohipa maitai ra. Te baptizohia nei te taata ora nei ei mono no tei pohe. Mai ta Paulo hoi i faatia atu i to Korinetia, "Aore ra, eaha ihora te feia i baptizohia no tei pohe ra, ia ore roa te feia i pohe ra ia tiafaahou? Eaha ihora ratou i baptizohia ai

no tei pohe ra?" I Kor. 15:29. Te na reira ra te feia Keritiano i te tau tahito ra, te baptizohia ra tei ora no tei pohe. Te na ô maira P'etero e, "I pohé na hoi te Mesia iho no te hara hoê poheraa, te taata parautia no te feia parautia ore, ia tae tatou ia'na i te Atua ra, i taparahi-pohe-mau-hia oia i te tino ra, i faaorahia râ e te varua: o ta'na ia i a'o atu i te mau varua e vai i roto i te tapearaa i teie nei; o tei ore i faaroo i mutaa ihora, i te faaoromairaa roa o te Atua a tia ai i te anotau ia Noa ra, i te tarairaa i te pahira, i ora'i e toofanu pue taata i te moana, oia hoi e toovau taata ra." Tei ore i farii i te evanelia a a'ohia mai ai ratou e Noa, ua tapeahia ia i taua vahi iho â i haerehia e Iesu raua te taata eia peneteni, tei parauhia paradaiso, te faaeearaa no te mau varua taata. E piti huru to te taata nei, e varua to'na e e tino to'na, e ia pohe te tino repo nei, te ora noa ra te varua. E taua mau varua ra, ia pohe te tino nei, na faataa-ana'e-hia ia i taua vahi paradaiso ra, ia tia i reira i te tiafaahouraa e te utua.

E tuatihia teie nei parau.

## Mau Parau Apî

Te faaite maira te parau apî no Marite mai e, ua hau roa te taata rahi orure no te fenua Mexico, o Villa. Ua tuu oia ia'na iho i raro a'e i te faatereraa apî no te hau Mexico, mai te faatia papu i te peresideni apî no taua fenua ra. Ua mana'ohia e, e haapao o Villa i te ohipa faaapu.

I te 17 no Tiurai, i te oire ra Potsdam, i te fenua ra Purusia, ua taparahi te tamaiti arii o Joachin, ia'na iho. I faarue e na to'na vahine faaipoipo ia'na e te titau ra taua vahine ra i te parau faataaraa. Ua parauhia e, te mata'u ra taua tamaiti arii ra o te heheu ta'na ra vahine faaipoipo i te

hoê mau parau no'na. E taua tamaiti ra, o te tamaiti hopea ia o te Kaisara o Viliamu o te tapuni nei i te fenua Holane.

Te faaite maira te parau niuui e, ua maitihia o M. Millerand ei peresideni mono no te hau Farane.

Ua tupu a'e nei te hoê ati miti rahi i te fenua Tinito i te pae i te hitia o te râ ra. E huru rahi hoi te taata i pohe, e te mau fare e te mau fenua i ino, ua rahi atoa ia.

Te haamauhia nei te hoê mau machine parau niuniu-ore iti rahi i te tufaa fenua Niu Ioka i Marite. Mai te hohoa fetia to'na hamaniraa. E ono machine, e 400 avae te teitei no te mau pare e tautauhia'i te mau niuniu. E 6,400 akera te faitoraa ia o te fenua i te vahi i faataahia no te faatiaraahia taua mau pare e te haamauraahia taua mau machine. Ua parauhia e, o te mau machine parau-niuniu-ore rahi, teie i te ao taatoa nei.

Ua riro a'e nei te rê no te faatereraa i te pahia reva i te hoê taata Farane, o Sadi Lecoinge to'na i'oa. Teie te puai o to'na tereraa na te reva, oia hoi 192 mile i te hora hoê.

Ua riro a'e nei te rê no te faatereraa i te pereoo uira (auto) ia Toma Mitona, (Thomas Milton). E tamaiti Marite Toma. Ua faatere oia i to'na pereoo e 156 mile i te hora hoê.

Te faaite maira te hoê taata imi numera no te fenua Marite e, e 5,490,000,000 tarani, o te pape ia e inuhia nei e te mau taata Marite i te matahiti hoê.

L. H. KENNARD Jr. Imprimeur, Rue Brea et de la  
Rue Dumont d'Urville, Orovini, Papeete, Tahiti